



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

9 SEPTEMBER 2021 (KHAMIS)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

9 SEPTEMBER 2021 (KHAMIS)



SINDIKET SELEWENG MINYAK MASAK BERSUBSIDI KAUT UNTUNG BESAR

ONARTENTERA SEMUT

EKSKLUSIF HM

Kementerian Perdagangan Dalam Negeri dan Hal Ehwal Pengguna (KPDNHEP) menumpaskan kegiatan penyelewengan minyak masak bersubsidi terbesar berikutan penemuan 36 tan minyak masak di dua lokasi di Johor. Hasil risikan mendapati sindiket itu menggunakan khidmat tenleria semut dengan membeli minyak masak pekai satu kilogram di kedai sekitar Lembah Klang sebelum dibawa ke Johor untuk dikumpulkan dipercayai untuk diseludup ke luar negara. **lapor Mohd Jamilul Anbia Md Denin**

WSP3

Putra Jaya: Tidak beri muka apabila sebanyak 25 syarikat 'tamiak' digantung dan ditarik balik kuota selepas terbahit dengan penyelewengan barang kawalan dan subsidi meliputi minyak masak dan gas petroleum cecair (LPG).

Timbalan Pengarah Penguat Kuasa Operasi, Bahagian Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP), Shamsul Nizam Khalil berkata, pihaknya sentiasa melakukan pemeriksaan dan audit bagi mencegah syarikat pembungkus dan pemborong minyak masak supaya tidak terbahit atau bersekongkol dengan sindiket.

"KPDNHEP meneruskan usaha membanteras beberapa aktiviti penyelewengan barang kawalan dan subsidi meliputi minyak masak bersubsidi paket polibeg satu kilogram (kg) ke botol 2kg, 3kg dan 5kg.

"Ia termasuk membantaras penyelewengan dan pemindahan LPG bersubsidi

25 syarikat digantung, tarik semula kuota

dari tong 14kg ke tong kegunaan industri untuk dijual pada harga pasaran dengan keuntungan yang tinggi atau diseludup ke negara jiran.

"Jenayah sebegini memberi impak besar kepada bekalan barangan di pasaran untuk kegunaan rakyat Malaysia dan pada masa sama menyebabkan kerajaan menanggung kerugian berjuta ringgit dalam peruntukan subsidi khusus untuk meringankan beban kos sara hidup rakyat," katanya.

Shamsul Nizam berkata, pihaknya memandang serius terhadap mana-mana syarikat yang didapati terbahit dalam aktiviti penyelewengan seumpama itu terutama syarikat-syarikat yang diberi lesen dan kuota untuk pembungkusan dan pembotolan barang kawalan dan subsidi.

Katanya, semua kesala-

han itu dijalankan mengikut Seksyen 21, AKB 1961 kerana memiliki barang kawalan dalam keadaan menimbulkan syak munasabah untuk melakukan kesalahan mengikut Peraturan 3(1) PPKB 1974 kerana berurusan secara mengilang atau borong atau runcit, kesalahan lain termasuk di bawah Seksyen 20 (1) membabitkan aktiviti pemindahan minyak masak bersubsidi pek 1kg di tempat yang tidak dilesenkan juga turut disiasat.

"Semua kesalahan itu disiasat mengikut Seksyen 4(1) Akta Pencegahan Pengubahan Wang Haram, Pencegahan Pembiayaan Keganasan dan Hasil daripada Haram 2001 (AMLA-TTPUAA 2001) iaitu kesalahan, pengubahan wang haram turut juga dijalankan bagi tujuan mengesan,

membeku, menyita serta sehingga ke peringkat pelucuthakan ke atas apa-apa hasil pendapatan atau harta yang dijana daripada aktiviti haram penyelewengan barang kawalan.



atau kedua-duanya sekali," katanya.

Sementara itu penganalisis jenayah, Kamal Affandi Hashim menyifatkan isu penyeludupan dan penyelewengan minyak masak subsidi antara kegiatan jenayah masih sukar dibendung sepenuhnya.

"Lebih memmeritkan apabila rakyat tidak dapat menikmati subsidi minyak masak," katanya.

lan bersubsidi terutama membabitkan minyak masak dan LPG.

"Sekiranya mereka didapati bersalah, hukuman penjara sehingga 15 tahun dan boleh didenda lima kali ganda jumlah atau hasil aktiviti haram atau RM5 juta, mana lebih tinggi bagi setiap pertuduhan dan boleh didenda tidak melebihi RM1 juta bagi orang periorangan atau penjara tidak melebihi tiga tahun

mati subsidi minyak yang disediakan oleh kerajaan apatah lagi harga minyak masak di dalam botol agak mahal.

"Satu mekanisme ampuh perlu dilakukan supaya

BUKTI penemuan paket minyak masak subsidi yang sudah dipindahkan sindiket ke dalam tangki khas.

PERALATAN dan tong yang digunakan untuk memproses semula minyak masak.

'BORONG' MINYAK MASAK PEKET 1KG

Sindiket minyak masak guna 'tentera semut' membeli paket 1kg subsidi sebelum dikumpul dan diseludup ke luar negara

Oleh Mohd Jamilul Anbia
Md Denin
anbia@hmetro.com.my

Putrajaya

Papan tanda premis tertera kilang menjual ayam proses, namun pemeriksaan di dalamnya tidak ada seekor ayam pun ditemui.

Itu antara taktik digunakan sindiket penyelewengan barang kawalan berjadual membabitkan minyak masak pekete sekilogram (kg) subsidi dalam skala besar beroperasi di Taman Perindustrian Tanjung Pelepas, Gelang Patah dan di Taman Perindustrian Pekan Nenas, Johor.

Kegiatan penyelewengan didalangi sindiket itu bagaimanapun dibongkar selepas sepasukan anggota Kementerian Perdagangan Dalam Negeri dan Hal Ehwal Pengguna (KPDNHEP) Johor melakukan serbuan dan rampasan terbesar membabitkan lebih 36 tan minyak masak subsidi yang cuba diseludup ke luar negara.

Sumber berkata, kejayaan terbesar itu adalah hasil risikan Seksyen Perisikan (SPR) KPDNHEP Putrajaya yang melakukan intipan sejak beberapa bulan lalu.

Difahamkan sindiket menggunakan khidmat

'tentera semut' untuk membeli minyak masak pekete 1kg di kedai-kedai sekitar Lembah Klang dan beberapa negeri lain sebelum dibawa ke Johor untuk dikumpulkan.

"Serbuan pertama dilakukan di sebuah premis di Gelang Patah, jam 12 tengah hari semalam, selepas pihak KPDNHEP selepas menerima maklumat lokasi itu dijadikan stor penyimpanan dan transit minyak masak subsidi.

"Dua individu warga tempatan ditahan ketika serbuan dilakukan sebelum pihak KPDNHEP menemui lebih 15 tan minyak masak pekete satu kilogram yang disembunyikan di dalam premis tanpa lesen itu," katanya.

Menurutnya, siasatan mendapati minyak masak subsidi itu dibeli dari Lembah Klang, Pahang dan Perak sebelum dibawa ke Johor untuk diproses semula.

"Dalam serbuan kedua di Pekan Nenas, pihak KPDNHEP mendapati premis itu ditinggalkan oleh ahli sindiket yang dipercayai menghidu kehadiran pihak berkuasa lebih awal.

"Siasatan menemui pelbagai peralatan digunakan untuk mengeluarkan minyak masak dari pekete sekilogram itu sebelum di-

"Dua individu warga tempatan ditahan ketika serbuan dilakukan"
Sumber KPDNHEP

salurkan ke dalam tangki khas," katanya.

Menurutnya, KPDNHEP tidak menolak kemungkinan semua minyak masak subsidi itu akan dibotolkan semula dan diseludup ke luar negara.

"Malah ada kemungkinan ia turut dijual di dalam negara pada harga bukan subsidi. Ini jelas memberikan keuntungan besar pada sindiket mencecah ratusan ribu ringgit sebulan.

"Hasil dua serbuan ini, KPDNHEP merampas lebih 36 tan minyak masak subsidi dengan anggaran nilai

keseluruhan melebihi RM100,000," katanya.

Dia berkata, terdapat 'orang upahan' dibayar sindiket untuk membeli minyak masak di kedai-kedai atau pasar raya sebelum minyak masak subsidi itu dikumpulkan dan dihantar ke Johor.

"Dalam isu ini, pemborong minyak masak tidak terbabit dalam penyelewengan," katanya.

Dia berkata, rampasan terbaru itu disifatkan antara kejayaan terbesar KPDNHEP menumpaskan kegiatan penyelewengan

minyak masak subsidi paket sekilogram yang bermatlamat untuk membantu golongan miskin dan rakyat kurang berkemampuan.

"Susulan itu semua peralatan dan minyak masak ditemui itu dirampas dan kes disiasat mengikut Seksyen 209(1) Akta Kawalan Bekalan 1961," katanya.

Pada Khamis lalu, KPDNHEP Cawangan Timur Laut, Pulau Pinang turut menyita 1,000kg minyak masak pekete yang disembunyikan di dalam stor berhampiran premis pernia-

gaan borong sayur-sayuran.

Sehari sebelum itu, KPDNHEP Kelantan turut merampas minyak masak paket bersubsidi seberat 2.48 tan yang cuba diseludup ke negara jiran menggunakan lori pasir di pangkalan haram Mat Yih, Jeram Perdah, Kelantan, Selasa lalu.

Sindiket dikesan menggunakan lori pasir lima tan untuk memunggah minyak masak paket bersubsidi dari premis pembungkus minyak masak berlesen di Pasir Puteh sebelum diseludup ke negara jiran.



PEGAWAI KPDNHEP memeriksa alatan digunakan untuk memindahkan minyak masak subsidi ke dalam tangki khas.



PIHAK KPDNHEP melakukan siasatan di sebuah premis memproses semula berpuluh tan minyak masak subsidi sekilogram di Johor.

COVID-19

TERIMA VAKSIN PADA HARI JADI

- ▶ DATUSAN SERBU PPV DEWAN MILLENIUM, KEPALA BATAS UNTUK VAKSINASI SECARA JUMPA TERUS
- ▶ KKM, MOSTI BEKERJASAMA BANGUN PERANTI PERUBATAN
- ▶ KPDNHEP KEDAH BERI TEMPOH SEMINGGU SELARAS HARGA KIT UJIAN KENDIRI
- ▶ PENGUSAHA HOTEL DI LANGKAWI SERBA SALAH TERIMA TEMPAHAN



MS 6.7.8.10 @ 11

Seminggu untuk selaras harga kit ujian

Alor Setar: Kementerian Perdagangan Dalam Negeri dan Hal-Ehwal Pengguna (KPDNHEP) Kedah memberi tempoh seminggu kepada peniaga dan pengusaha farmasi di negeri ini untuk melakukan penyaluran harga maksimum terhadap kit Ujian Pantas Antigen Covid-19 (ujian sendiri).

Pengarahnya, Rae Morn Verak berkata, sekiranya masih ada yang menjual harga tidak mengikut harga runcit RM19.90 atau harga borong RM16 yang ditetapkan, tindakan akan diambil.

Beliau berkata, penguatkuasaan harga maksimum itu dilakukan di bawah Akta Kawalan Harga dan Anti Pencatutan (AKHAP) 2011 (Penentuan Harga Maksimum) (No 7) 2021 yang dikuatkuasakan sejak 5 September lalu.

"Setakat ini, kami sudah melakukan pemeriksaan di 180 farmasi di seluruh negeri ini.

"Pengeluaran notis dibuat di bawah Seksyen 21, AKHAP 2011 kepada pengilang dan pengimport untuk mendapatkan maklumat lanjut berhubung dengan harga jualan produk, kos yang terbit dalam pengeluaran dan pengimportan," katanya.

Beliau berkata demikian pada sidang media selepas melakukan pemeriksaan



RAE Morn (tengah) bersama Mohd Shahrhan (kanan) melakukan pemeriksaan dan memantau harga maksimum kit ujian sendiri Covid-19 di sebuah farmasi di Alor Setar.

harga kit ujian sendiri Covid-19 di dua premis farmasi di Simpang Kuala di sini, semalam.

Hadir sama, Ketua Pegawai Penguatkuasaan KPD-

NHEP Kedah, Mohd Shahrhan Mohd Arshad.

Rae Morn berkata, setakat ini hanya satu farmasi di Alor Setar yang didapati menjual kit itu pada harga RM39.90 pada pemeriksaan kelmarin dan pengurusan-nya memberi alasan ia adalah stok lama.

Bagaimanapun, katanya, pihaknya sudah mengeluarkan amaran supaya pengurusan farmasi itu meluruskan penyaluran semula harga dalam tempoh seminggu mengikut harga kawalan.

"Sekiranya masih ada yang menjual kit ini me-

lebih harga maksimum ditetapkan, tindakan akan diambil mengikut Seksyen 11 Akta Kawalan Harga dan Anti Pencatutan 2011.

"Sabit kesalahan boleh dikenakan penalti RM100,000 atau penjara tidak melebihi tiga tahun atau kedua-duanya sekali atau dikompau RM50,000, syarikat pula boleh didenda RM500,000 atau dikompau RM250,000," katanya.

Rae Morn berkata, ada farmasi mengahui menjual 150 kit ujian sendiri dalam sehari.

"Ia bukan saja dijual kepada individu malah untuk syarikat, ia bagi membantukan individu berkaitan melakukan ujian sendiri di rumah," katanya.

Farmasi jual melebihi harga siling diberi amaran

ALOR SETAR -

Sebuah farmasi di Kedah diberikan notis amaran selepas didapati menjual kit ujian sendiri Covid-19 melebihi harga runcit maksimum ditetapkan sejak 5 September lalu.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Kedah, Rae Morn Verak berkata, kit ujian sendiri Covid-19 di premis itu dipercayai dijual pada harga RM39.90 dalam pemeriksaan pada Selasa.

Menurutnya, farmasi berkenaan dikehendaki menyelaraskan harga kit ujian sendiri dengan harga runcit maksimum pada RM19.90 bagi setiap set dan harga borong ditetapkan RM16.

"Kami difahamkan set ujian sendiri Covid-19 itu adalah stok lama dan farmasi tersebut perlu menyelaraskan harga serta berbincang semula dengan pembekal untuk mendapatkan harga seperti ditetapkan.

"Peniaga dan pengusaha farmasi diberikan

KIT UJIAN KENDIRI COVID-19



Rae Morn (kanan) dan Mohd Shahrin memantau harga kit ujian sendiri Covid-19 di dua farmasi di Simpang Kuala pada Rabu.

tempoh seminggu sehingga 12 September ini untuk membuat penyelarasan harga dari tempoh kuat kuasa harga siling kit ujian sendiri pada 5 September lalu," katanya.

Rae Morn berkata demikian kepada pemberita selepas pemantauan harga maksimum kit ujian pantas antigen Covid-19 di dua farmasi di Simpang Kuala di sini pada Rabu.

Hadir sama, Ketua Pegawai Penguat Kuasa KPDNHEP Kedah, Mohd Shahrin Mohd Arshad.

Bagaimanapun, kata Rae Morn, hasil pemeriksaan selama 25 hari sejak 15 Ogos sehingga Selasa ke atas 180 farmasi

di Kedah mendapati majoriti premis menjual kit ujian sendiri itu pada harga kawalan ditetapkan.

"Melalui pemeriksaan, ada farmasi di negeri ini dikesan menjual produk itu pada harga lebih rendah, sekali gus ada juga mampu menjual sehingga 500 set kit ujian pantas sehari kepada pengguna, syarikat dan kilang," katanya.

KPDNHEP Kedah akan mengadakan pemantauan dan pemeriksaan berterusan dari masa ke masa di bawah Akta Kawalan Harga dan AntiPencatutan 2011 bagi mengelak penjualan kit ujian sendiri Covid-19 pada harga tidak terkawal.

JUAL KIT UJIAN COVID-19 MELEBIHI HARGA SILING

Dua premis diberi amaran

Rawang: Sebanyak 141 pemeriksaan penjualan kit ujian pantas antigen Covid-19 dilakukan semalam di seluruh negara bagi memantau pematuhan harga siling kit ujian berkenaan.

Timbalan Menteri Perdagangan Dalam Negeri dan Hal Ehwal Pengguna (KRD-NHEP) Datuk Rosol Wahid berkata, daripada jumlah itu, 135 premis mematuhi harga kawalan yang ditetapkan, dua premis menjual di bawah harga siling, tiga premis menjual melebihi harga siling dan satu premis tidak menjual kit berkenaan.

Katanya, dua daripada tiga premis yang menjual kit ujian melebihi harga siling itu diberi amaran.

"Apa yang menariknya, ada dua premis yang men-

jual di bawah harga kawalan, saya nampak peniaga ini amat berdisiplin," katanya selepas melancarkan Program Pengumpulan Bahan Makanan dan Barangan Penjagaan Diri untuk mangsa fenomena kepala air di Gunung Jerai, Kedah di sini.

Majlis pelancaran program yang dianjurkan oleh Persatuan Pakatan Pemandu Berhemah Malaysia di sini, semalam itu turut disertai Ahli Dewan Undangan Negeri (Adun) Rawang Chua Wei Kiat dan Adun Taman Templer Mohd Sany Hamzan.

"Tanpa mengira fahaman politik, kita bersatu untuk meringankan beban yang ditanggung oleh semua mangsa," kata Rosol.

- Bernama

KPDNHEP siasat isu kenaikan harga ayam

**CAP minta
agensi, FAMA
turut pantau
peningkatan harga
sayur-sayuran,
buah-buahan**

Oleh Zuhainy Zulkiffli
dan Nuraliawati Sabri
bhnews@bh.com.my

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) giat menjalankan pemeriksaan dan siasatan berhubung isu kenaikan harga ayam ketika ini.

Di **Pulau Pinang**, KPDNHEP negeri mengeluarkan tiga notis kepada peniaga serta pembekal ayam di Nibong Tebal bertujuan mendapatkan maklumat lanjut bagi membantu siasatan mengenai perkara itu.

Pengarahnya, Mohd Ridzuan Ab Ghapar, berkata pihaknya sudah mengesan kenaikan harga ayam sejak Ogos lalu dengan paling tinggi dikesan ialah RM10.30 sekilogram, manakala terendah ialah RM5.99 sekilogram.

"Kita mendapati berlaku sedikit kenaikan harga dan bertindak pantas untuk mendapatkan maklumat daripada pembekal serta peniaga sebelum tindakan lanjut diambil.

"Tujuan notis itu kita mahu mengesan rantaian serta alasan menjual harga tinggi dan ini masih dalam siasatan," katanya semalam.

Di **Melaka**, Pengarah KPDNHEP negeri, Norena Jaafar, berkata pihaknya akan mengeluarkan empat notis kepada pela-



EXCO Perpaduan, Hubungan Masyarakat, Tenaga Kerja dan Hal Ehwal Pengguna Melaka, Datuk Wira Ismail Othman (kanan) bersama Norena pada Operasi Pemantauan Harga Barangan di sebuah pasar raya di Peringgit, Melaka, semalam.
(Foto Syafeeq Ahmad/BH)

dang, penternak dan pengimport ayam dalam tempoh terdekat untuk membolehkan pihak berkenaan mengemukakan dokumen membabitkan kos pengoperasian dan jualan.

"Ia bertujuan melihat sama ada kenaikan harga didakwa itu bermula daripada peringkat ladang, rantai (pengilang) atau peruncit. Notis meliputi Notis Pengesahan Maklumat Barangan atau Perkhidmatan serta Notis Bertulis mengikut Seksyen 21 Akta Kawalan Harga dan Antipencatutan.

"Mereka akan diberi tempoh tiga hari untuk mengemukakan dokumen pengesahan kos bagi tiga tahun," katanya pada sidang media selepas menyertai Operasi Pemantauan Harga Barangan di

sebuah pasar raya di Peringgit, semalam.

Selain mengeluarkan notis, katanya, pihaknya turut menggerakkan lima pasukan untuk menyiasat rungutan di 13 lokasi dikenal pasti bagi melakukan perbandingan harga pada peringkat rantai jualan ayam.

"Operasi akan membabitkan pengilang, peladang, pemborong dan peruncit sebelum kami dapat mengenal pasti peringkat berlaku kenaikan harga.

"Kita tidak mahu membuat tuduhan, justeru akan mengadakan operasi habis-habisan minggu ini," katanya.

Di **Georgetown**, hasil tinjauan Persatuan Pengguna Pulau Pinang (CAP) mendapati harga ayam meningkat daripada RM9

kepada RM10 sekilogram, manakala peniaga didakwa sudah tahu harganya akan terus meningkat.

Presiden CAP, Mohideen Abdul Kader menggesa KPDNHEP dan Lembaga Pemasaran Pertanian Persekutuan (FAMA) mengambil tindakan segera, termasuk berhubung harga sayur-sayuran dan buah-buahan yang didakwa turut naik secara drastik sejak dua minggu lalu.

"Sejumlah pasar basah di negeri ini ditutup sementara susulan kes positif COVID-19, menyebabkan pengguna sukar mendapatkan bekalan.

"Ia sekali gus memberi peluang kepada peniaga yang tidak bertanggungjawab untuk menaikkan harga barang," katanya.

Beri notis harga ayam naik

KPDNHEP Melaka minta penjelasan pengilang dan pengimport isu harga

Oleh NOR FARHANA YAACOB

MELAKA

Kementerian Perdagangan Dalam Negeri dan Hal Ehwal Pengguna (KPDNHEP) Melaka akan mengeluarkan empat notis kepada tiga pengilang dan satu pengimport bagi mendapatkan penjelasan berhubung kenaikan harga ayam mentah.

Pengarahnya, Norena Jaafar berkata, Notis Pengesahan Maklumat Barangan atau Perkhidmatan serta Notis Bertulis Seksyen 21 Akta Kawalan Harga dan Pencatutan 2011 akan dikeluarkan minggu ini berikutan rungutan pengguna berhubung harga ayam mentah meningkat di beberapa tempat.

Beliau berkata, pihak berkenaan perlu mengemukakan dokumen kos pengoperasian jualan ayam dalam tempoh tiga tahun, selain menggerakkan operasi rantaian jualan ayam di 13 lokasi membabitkan penternak, peladang, pemborong dan peruncit.

"Kita lakukan secara serentak.



Norena (kiri) dan Ismail (dua dari kiri) ketika operasi pemantauan harga barangan di sebuah pasar raya di Peringgit, Melaka pada Rabu.

Daripada situ kita akan lihat sama ada kenaikan harga bermula dari ladang atau rantaian (pengilang), atau di peringkat peruncit itu sendiri.

"Kita mula dari awal sehingga akhir dan membuat siasatan mencari punca bermulanya kenaikan harga ini" katanya kepada pemberita ketika operasi pemantauan harga barangan di sebuah pasar raya di Peringgit di sini pada Rabu.

Hadir sama, Exco Perpaduan, Hubungan Masyarakat, Tenaga Kerja dan Hal Ehwal Pengguna negeri, Datuk Ismail Othman.

Norena berkata, sebanyak lima pasukan penguat kuasa terdiri daripada 30 anggota akan menjalankan pe-

mantauan bagi memastikan harga ayam di negeri ini dijual dengan harga berpatutan.

Pihaknya bagaimanapun tidak menolak kenaikan harga ayam mendadak itu disebabkan segelintir peniaga mengambil kesempatan terhadap bekalan berkenaan susulan peralihan Fasa Dua Pelan Pemulihan Negara (PPN) yang membenarkan *dine-in* di kedai makan.

"Sefakat ini kita mendapati harga ayam termurah ialah RM5.99 sekilogram dan paling tinggi ialah RM9.80 sekilogram.

"Isu ini juga telah memberi kesan kepada kenaikan harga telur yang dijual di pasaran ketika ini," ujarnya.

Pantau punca kenaikan mendadak harga ayam

SHAH ALAM - Gabungan Persatuan-Persatuan Pengguna Malaysia (FOMCA) mendesak kerajaan memantau punca kenaikan mendadak harga ayam yang dilaporkan pada Isnin.

Timbalan Presidennya, Mohd Yusof Abdul Rahman berkata, kebiasaannya kenaikan harga berlaku berikutan musim perayaan, kekurangan penawaran atau mendapat permintaan tinggi.

"Permintaan ayam dalam kalangan pengguna masih lagi dalam keadaan yang stabil kerana kita bukan dalam musim perayaan. Jadi mungkin ada faktor tertentu menyebabkan kenaikan itu.

"Selain itu, ayam bukan barang kawalan, maksudnya ia berdasarkan harga pasaran. Jadi pihak berkuasa perlu menyiasat punca (kenaikan harga) ini berlaku," kata-



MOHD YUSOF

nya kepada *Sinar Harian*.

Pada Isnin, media melaporkan kenaikan harga ayam yang berlaku di beberapa negeri termasuk Terengganu dan Pulau Pinang.

Harga ayam RM5.80 sekilogram pada

1 Ogos meningkat kepada RM8 dan memecah sehingga RM10 pada Selasa.

Mengulas lanjut, Mohd Yusof berkata, terdapat kemungkinan kenaikan berpunca daripada pengurangan bekalan ayam di negara ini.

"Kalau umpamanya masalah bekalan itu berkurangan, biasanya kerajaan akan mengimport bekalan ayam dari negara luar seperti Thailand dan sebagainya," ujarnya.

Sementara itu, Presiden Persekutuan Persatuan-Persatuan Penternak Malaysia (FLFAM), Tan Chee Hee berkata, peningkatan harga barangan mentah menjadi antara punca yang menyebabkan harga ayam di negara ini meningkat.

Menurutnya, perkara tersebut berlaku sejak tahun lalu apabila negara berdepan

dengan pandemik Covid-19 sehingga menyebabkan semua rantai bekalan terjejas.

"Punca harga barangan mentah naik disebabkan gangguan logistik penghantaran.

"Malah apabila kita mahu mengimport barang juga terganggu disebabkan penularan wabak Covid-19," katanya.

Jelasnya, pelaksanaan prosedur operasi standard (SOP) daripada kerajaan dan pengeluaran barangan terhad menyumbang kepada faktor harga barangan mentah naik.

"Saya harap kerajaan dan orang ramai memikirkan kepentingan penternak seperti kami. Jika keadaan seperti sekarang berterusan, perniagaan kami akan merosot," katanya.

 Senarai Harga Barang Keperluan	Ayam RM7.29 Daging Lembu Tempatan RM35 Daging Lembu Import RM30.90	Telur Gred A RM12.60 Ikan Kembung RM15.90 Minyak Masak RM6.50	Gula Pasir RM2.85 Bawang Besar Holland RM2.99 Bawang Putih RM6.89	Cili Merah RM10.95 Kubis Bulat Tempatan RM3.49 Tepung Gandum RM2.30	*Harga (RM/kg) Sumber: KPDNHEP
---	---	--	--	--	---------------------------------------

 **New fuel prices**
Sept 9 – Sept 15

RON95	RM2.05 (unchanged)
RON97	RM2.73 (+ 1 sen)
DIESEL	RM2.15 (unchanged)